

ԽԱՐԱԳՐՈՒԹՅԱՆ ՓՈՍՏԻՑ

ՀԵՆՁԵԼ ՄԿՈՅԱՆԻ ՔԱՂԱՔԱԿԱՆ ԵՐԿԱՐԱԿԵՅՈՒԹՅԱՆ ԳԱՐՏՆԻՔԸ



Այդ քչերից մեկն է նաեւ Նինոծմինդայի մունիցիպալիտետից Վրաստանի խորհրդարանի մեծամասնական պատգամավոր Յենգել Սկոյանը: Քաղաքական աշխատանքի մեծ փորձ չունեն: Սակայն, շատ արագ տիրապետեց

Քաղաքականությունը գալ է քաղաքական գործունեությունը ծավալել շատերին են փորձում: Սակայն նրանցից քչերին է հաջողվում հասնել իրենց նպատակին, իսկ այդ քչերից էլ առավել քչերն են կարողանում ամրանալ քաղաքականությունում եւ ծավալել երկարատեւ ու նպատակային գործունեություն իրենց սկզբունքների, տեսակների, ինչպես նաեւ ժողովրդանպաստ ծրագրերի ու որոշումների ընդունման գործում:

քաղաքական եւ պետական գործունեության առանձնահատկություններին, ձեռք բերեց համապատասխան փորձ եւ հմտություն, որի վկայությունն է նրա վերջին 16-ամյա անդամակցությունը Վրաստանի խորհրդարանին:

Զեմ ուզում մանրամասն թվարկել Յենգել Սկոյանի նախաձեռնությանը եւ անմիջական աջակցությանը մունիցիպալիտետի տարածքում կատարված աշխատանքները, դրանք բազմաթիվ բնակավայրերի ջրագծերն են, տասնյակ կիլոմետրերի հասնող ասֆալտապատ ճանապարհներն ու կոյուղիները, վերանորոգված ժամանակակից կահավորված արարողությունների տները, լուսավոր փողոցներն ու մարզահրապարակները եւ այլ կենցաղային ու տնտեսական օբյեկտներ:

Այս ամենի հետ մեկտեղ, նրա ուշադրության կենտրոնում են մունիցիպալիտետի բնակչության անձնական խնդիրների լուծումը: Քանի քանիսն են մեր խորհրդարանականի աջակցությամբ լուծել իրենց անձնական հիմնախնդիրները, հաճախ նաեւ նրա սեփական միջոցների հաշվին:

Այսքանից հետո, բնականաբար, հարց է առաջանում՝ ինչու են Յենգել Սկոյանի քաղաքական երկարակեցության գաղտնիքը քաղաքական դաշտում, հատկապես՝

երկրում առկա բուռն քաղաքական պրոցեսների պայմաններում: Դա, առաջին հերթին, նրա կողմից պետական քաղաքականության ճիշտ գնահատումն է, քաղաքական շրջահայացությունն ու ճիշտ կողմնորոշումը, պետական ու ժողովրդի շահերի ճիշտ համատեղումը, մարդկանց օգտակար լինելու ցանկությունը, ինչպես նաեւ արկածախնդրության բացակայությունը, ժամանակից եւ իրադարձություններից առաջ չընկնելը, եւ լուծում պահանջող հարցերը համապատասխան մարմիններում ժամանակին եւ սկզբունքորեն բարձրացնելը:

Ժողովուրդը չորս անգամ քվեարկել է նրա օգտին, համոզված եմ, եթե նա մասնակցի առաջիկա ընտրություններին, անպայման հաղթողը ինքը կլինի, քանի որ ժողովուրդը երբեք չի սխալվի:

ԱՆԴՐԱՆԻԿ ՔՄՊՈՅԱՆ

Նինոծմինդայի մունիցիպալիտետի իրավաբանական ծառայության պետ

ՕՐԵՆԱԴՐԱԿԱՆ ՓՈՓՈԽՈՒԹՅՈՒՆ

ԴՅՈՒՐԱՑՎԵՑ ՀՈՂԻ ՍԵՓԱԿԱՆՈՒԹՅԱՆ ԳՐԱՆՑՈՒՄԸ

(Սկիզբը՝ 1-ին էջում)

Այսօրվա դրությամբ, չափանախագծերում առկա անճշտությունները հաճախ դառնում են հողի գրանցման արգելակիչ գործոն, այսինքն՝ միմյանց վրա տարածվելու պատճառով, վերջին հիմն տարվա ընթացքում հանրային ռեեստրը ստիպված կանգնեցրել է մոտ 56 հազար գրանցման գործ, իսկ հարցը ներկա դրությամբ հնարավոր է կարգավորել միայն դատարանի միջոցով, ինչը քաղաքացիներից ժամանակ ու լրացուցիչ ծախսեր է պահանջում:

Այդ հիմնախնդիրների պատճառը չափանախագծային գործունեության ոլորտում անճշտություններն էին, քանի որ այն իրականացնելու իրավունք էր տրված ցանկացողին: Հաճախ կադաստրային նախագիծը կատարվում էր առանց գրասենյակից դուրս գալու, արդյունքում՝ կազմվում էր մոտավոր նախագիծը, ինչը արգելակում էր հողի գրանցման գործընթացը եւ խախտում սեփականատիրոջ իրավունքները:

Նախագծի շրջանակներում առաջարկված փոփոխությունների արդյունքում, չափանախագծային գործունեությունը ենթարկվեց հավաստագրման, եւ արդարադատության նախարարի հրամանագրով հաստատվեց չափանախագծի միասնական չափորոշիչը: Զափանախագծի գործունեության համար կսահմանվի սակագին (մաքս): Հանրային ռեեստրի ազգային գործակալության ներկայացուցիչը իրավասու է տեղում ստուգել գրանցման համար ներկայացված կադաստրային նախագծում ներկայացված տվյալների ճշտությունը: Հավաստագրված չափանախագծերն իրականացնող ցանցը կհիմնվի երեք ամսում, իսկ հավաստագրումը կառնչվի այն չափանախագծողներին, ովքեր կմասնակցեն նախագծին: Նախաձեռնության արդյունքում առավել պաշտպանված կլինեն ինչպես հողի սեփականատերերի, այնպես էլ՝ չափանախագծողների իրավունքները: Հավաստագրված չափանախագծողները կգիտենան, թե ինչպես են իրականացնելու չափանախագծումը առանց մոտավոր հաշվումների, ինչը նվազագույնի կհասցնի «միմյանց փարման» հնարավորությունը եւ սեփականության նկատմամբ դատական վեճի ծագման ռիսկը, միաժամանակ առավել պահանջարկ կվայելի որակյալ չափանախագծողի աշխատանքը: Միաժամանակ, կառավարությունը կնշակի հողի որոշակի տարածքի չափման սակագնի ֆինանսավորման համապատասխան մեխանիզմը:

Օրենսդրական հաջորդ փոփոխությունն այն է, որ պետությունը քաղաքացուն օգնություն կցուցաբերի սեփականությունը հաստատող փաստաթղթերի որոնումներում:

Ներկա դրությամբ, քաղաքացին հողի գրանցման ժամանակ պարտավոր է գրանցող մարմնին ներկայացնել բոլոր փաստաթղթերը, որոնք վերաբերում են հողի նկատմամբ նրա սեփականության հաստատմանը: Իսկ փաստաթղթերում սխալների առկայության դեպքում, հանրային ռեեստրը մերժում է գույքի գրանցումը: Փաստաթղթերի նորոգի պատրաստումը եւ առկա սխալների ուղղումը հողի սեփականատիրոջ պարտավորությունն է, այլ կերպ նրա սեփականության իրավունքը չի վավերացվի:

Կառավարության կողմից հաստատված փոփոխությունների համաձայն, հանրային ռեեստրը գրանցման



գործընթացում դառնում է համամասնակից: Փաստաթղթերի, այդ թվում՝ արխիվային փաստաթղթերի որոնման հարցում հանրային ռեեստրը օգնություն է ցուցաբերում քաղաքացուն, ավելանում է նաեւ այն փաստաթղթերի թիվը, որոնց հիման վրա հնարավոր կլինի իրականացնել հողի գրանցումը:

Փոփոխությունների համաձայն, գույքի գրանցման մերժման պատճառ կարող է լինել միայն փաստաթղթերում առկա նշանակալից սխալը: Անճշտ շեղումները, մասնավորապես, սեփականատիրոջ անուն-ազգանվան հանամպատասխանությունը տառերով, սխալ գրանցումը եւ այլն, չեն դառնա հողի գրանցման արգելակիչներ, եթե անձի մյուս նույնականացման տվյալները (օրինակ՝ անձնական համարը, բնակության հասցեն եւ այլն) միմյանց համապատասխանում են: Սույն հարցն առանձնապես նշանակալից է ազգային փոքրամասնություններով հոծաբնակ տարածաշրջանների համար:

Բացի այդ, կիրականացվի շեղումներ ունեցող փաստաթղթերի ազատականացումը, կներկայացվի փաստերի հանրագումարումը: Պետությունը եւ տեղական ինքնակառավարումը սերտորեն կհամագործակցեն սեփականության սահմանման բաժնում, ինչը կհիմնավորվի համապատասխան օրենսդրական փոփոխություններով:

Օրենսդրական հաջորդ նշանակալից փոփոխություններից է նաեւ այն, որ պետությունը կօգնի կարգավորել սեփականատերերի վեճը:

Հողի բարեփոխման շրջանակներում առաջարկված փոփոխությունների արդյունքում, պետությունը քաղաքացուն կառաջարկի վեճի կարգավորման շուտափույթ եւ էժան մեթոդ: Մեղիատորների, այդ թվում՝ նոտարական ծառայության միջոցով, պետությունը քաղաքացիներին սեփականության շուրջ ծագած վեճերի դյուրին, առանց դատական միջամտության կարգավորման օգնություն կցուցաբերի: Վեճի դեպքում, քաղաքացիներին կտրվի հնարավորություն օգտվել այդ կարգավորումից կամ դիմել դատարանին եւ այնտեղ պաշտպանել սեփական իրավունքները:

Պետական նախագծի շրջանակներում կատարված աշխատանքները (փաստաթղթերի որոնումը եւ համակարգումը, նոտարի կողմից պայմանավորվող կողմերի ստորագրությունների ստուգումը, մեղիացիան, ինքնական զբաղեցրած հողամասի նկատմամբ սեփականության իրավունքի ճանաչումը, փաստերի հանրագումարումը) կկատարվեն անվճար, հողի գրանցումը կամ հողամասի նկատմամբ սեփականության իրավունքներում փոփոխությունները կիրականացվեն առանց հանրային ռեեստրի սպասարկման սակագնի վճարման:

ԱՐՎԵՍԻ ԱՇԽԱՐՀՈՒՄ

ՌԵԼԻԵՖԱՅԻՆ ԳԵՂԱԿԱՐՉՈՒԹՅԱՆ ԵՎ ԳՈՒՆԱՊԱՏԿԵՐՆԵՐԻ ՅՈՒՅԱՆՆԵՐԸ «ՀԱՅԱՐՏԱՆԸ»

Թբիլիսիի «Հայարտուն» կենտրոնում կայացավ Հայաստանի մշակույթի վաստակավոր գործիչ, պրոֆեսոր, գյուլնեցի տաղանդավոր գեղանկարիչ Սուսաննա Սկրտչյանի ռելիեֆային գեղանկարչության 35 նմուշների ցուցահանդեսը: Նա թբիլիսիցի արվեստասերներին էր ներկայացրել իր ռելիեֆային աշխատանքները, հիմնականում «Ծաղիկներ» նկարաշարը: Աշխատանքներն ստեղծվել են գուճավոր թղթերի եւ ներկերի միջոցով:

Նշենք, որ նկարչուհին ցուցահանդեսներ է ունեցել աշխարհի 36 երկրներում:



Վրաստանի հայ նկարիչների միության նախագահ Մերուժան Շահունյանը, նկարիչ-խեցեգործ Լեւոն Օսիպովը, նկարչուհի Իռենա Օհանջանովան, «Հայարտուն» կենտրոնի տնօրեն Լեւոն Զիդիլյանը, Վիրահայոց թեմի մամլո խոսնակ Սուսաննա Խաչատրյանը արժեւորեցին գյուլնեցի նկարչի ստեղծագործական լայնահուն ներկայացումը:

* * *

«Հայարտուն» կենտրոնի Գալուստ Գյուլբենկյան սրահում անցավ թբիլիսահայ մանրանկարչուհի Գուհար Հակոբյանի «Հայտնիների անհայտ էջերի» մասին պատմող սլայդների ցուցադրությունը: Հեղինակը այս անգամ արվեստասեր հասարակայնությանն էր ներկայացնել Հայաստանի Վայոց ձորի, Արագածոտնի եւ Սյունիքի մարզերի եկեղեցիների ու պատմական հուշարձանների՝ իր կողմից արված լուսանկարների ցուցադրությամբ, որոնք ուղեկցվում էին դրանց մասին պատմող հետաքրքիր պատմություններով: Ներկաների վրա առանձնապես մեծ տպավորություն թողեցին 13-րդ դարի Գլաձորի համալսարանի լուսանկարներն ու այդ համալսարանի պատմության մանրամասները: Ցուցադրվեց նաեւ 13-14-րդ դարերի կառույց Ծաղկավանքը (Սպիտակավանք), որտեղ հանգչում է ազգային հերոս Գաբեգին Նժդեհի (1886-1955) աճյունի մի մասը:

Միջոցառման ավարտին օրհնության եւ գնահատանքի խոսքով հանդես եկավ Վիրահայոց թեմի առաջնորդ Տեր Վազգեն եպիսկոպոս Միրզախանյանը:

ԱՆՆԱ ՍԱՐԻԲԵԿՅԱՆ

Օգնի՛ի հանրայինը դարձնել մրաց լեզվի ուսուցչուհի

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՎՐԱՍՏԱՆԻ ՍԱՀՄԱՆ ՏԱՆՈՂ ՄԻԶՊԵՏԱԿԱՆ ՃԱՆԱՊԱՐԶԸ ԿԶԻՄՆԱՆՈՐՈՎԻ

Վանաձոր-Ալավերդի-Վրաստանի սահման միջպետական (Մ-6) ճանապարհի շուրջ 90 կմ երկարությամբ հիմնական տարանցիկ մայրուղու հիմնանորոգման եւ վերակառուցման ծրագիրն ընթացքի մեջ է: Ծրագիրը ֆինանսավորվելու է Եվրոպական ներդրումային բանկի եւ Ասիական զարգացման բանկի կողմից, որի արժեքը 102 մլն եվրո է:

Ծրագրի նպատակն է հիմնանորոգել եւ վերակառուցել Հայաստանի մայրաքաղաքը Վրաստանի հետ կապող Վանաձոր-Ալավերդի-Վրաստանի սահման հիմնական տարանցիկ մայրուղին: Վանաձոր-Ալավերդի-Վրաս-

տանի սահման միջպետական ճանապարհն սկսվում է Վանաձոր քաղաքից, անցնում է Հայաստանի Լոռու եւ Տավուշի մարզերի թվով 33 համայնքներով (167 419 ընդհանուր բնակչությամբ)՝ հասնում մինչեւ Բագրատաշենի սահ-

մանակետ: Վանաձոր քաղաքի տարածքում կիմնանորոգվի 6.7 կմ, Վանաձոր-Ալավերդի հատվածում՝ մոտ 43.9 կմ, Ալավերդի քաղաքի տարածքում՝ 3.4 կմ, Ալավերդի-Վրաստանի սահման հատվածում՝ մոտ 36.3 կմ ճանապարհ: Հիմնարարական աշխատանքները նախատեսվում է ավարտել 32 ամսում: Վանաձոր-Ալավերդի-Վրաստանի սահման միջպետական ճանապարհին նախատեսվող շինարարական աշխատանքներն անմախաղեսկ

են: Ծրագիրը ֆինանսավորելու համաձայնություն է ձեռք բերվել Եվրոպական ներդրումային բանկի եւ Ասիական զարգացման բանկի հետ: Հիմնարարական աշխատանքների իրականացման ընթացքում ճանապարհը փակվելու է: Այդ նպատակով անցած տարի հիմնովին նորոգվել է Ստեփանավանով անցնող շրջանցիկ ճանապարհը: Այդ ուղղությամբ այլ շրջանցիկ ճանապարհների վերաբերյալ կտրվի լրացուցիչ տեղեկատվություն:

ՕՐԱԿԱՐԳՈՒՄ ՈԱԶՄԱՏԵԽՆԻԿԱԿԱՆ ԳՈՐԾԱԿՈՒԹՅԱՆ ԸՆԴԱՅՆՄԱՆ ՀԱՐՉԵՐՆ ԷԻՆ

Հայաստանի պաշտպանության նախարար Սեյրան Օհանյանի գլխավորած պատվիրակությունը, հունիսի 15-ին, մասնակցեց Մոսկվայում կայացած ԱՊՀ մասնակից պետությունների պաշտպանության նախարարների խորհրդի (ԱՊՀ ՊՆԽ) հերթական նիստին:

ԱՊՀ-ի ՊՆԽ նիստի օրակարգի համաձայն, դիտարկվել է շուրջ 20 հարց՝ բազմակողմ ռազմական համագործակցության հետագա կատարելագործման ուղղությամբ: ԱՊՀ ՊՆԽ նիստի շրջանակներում, նույն օրը կայացել է Հայաստանի պաշտպանության նախարար Սեյրան Օհան-

յանի առանձնագրույցը ՌԴ պաշտպանության նախարար, բանակի գեներալ Սերգեյ Շոյգուի հետ: Երկու երկրների պաշտպանական գերատեսչությունների ղեկավարները քննարկել են պաշտպանության ոլորտում համագործակցության ամրապնդման, ռազմատեխնիկա-



կան գործակցության ընդլայնման, ինչպես նաեւ երկուստեք հետաքրքրություններ կայացնող հարցեր՝ միտված ռազմավարական դաշնակցային հարաբերությունների հետագա խորացմանը:

ԼՐԱՑՈՒՑԻՉ 22 ՄԻԼԻՈՆ ԴՈԼԱՐԻ ՖԻՆԱՆՍԱԿԱՆ ՕԳՆՈՒԹՅՈՒՆ՝ ՏՆՏԵՍԱԿԱՆ ԶԱՐԳԱՑՄԱՆ ՀԱՄԱՐ



Հաշվետվության համաձայն՝ երկիրը կատարել է տր-

Ինչպես տեղեկացրել է Արժույթի միջազգային հիմնադրամը, կազմակերպության տնօրենների խորհուրդը հաստատել է Հայաստանի տնտեսության վերաբերյալ իր առաքելության երրորդ հաշվետվությունը, ֆինանսական օգնության շրջանակներում, ինչը թույլ կտա երկրին լրացուցիչ ստանալ 22 մլն դոլար:

ված վարկի եւ բարեփոխումների ընթացքի գծով իր ստանձնած պարտավորությունները: Այսպիսով կավարտվի 71.5 մլն դոլարով Հայաստանի

ֆինանսական օգնության եռամյա ծրագիրը: «Չնայած դժվարին արտաքին պայմաններին, ծրագրի կատարումը միանգամայն

գոհացուցիչ է, նպատակների մեծ մասը կատարված է»,- տնօրենների որոշումը բացատրել է ԱՄՀ-ի փոխտնօրեն Սիցուիիրո Ֆուրուսավան:

ԱԶԳԱՐԱՐՎԵՑ 2016 ԹՎԱԿԱՆԻ «ԱՐԻ ՏՈՒՆ» ԾՐԱԳՐԻ ՄԵԿՆԱՐԿԸ

Հունիսի 13-ին տեղի ունեցավ «Արի տուն» ծրագրի 2016թ. առաջին փուլի բացման հանդիսավոր արարողությունը, որին մասնակցեցին Հայաստանի սփյուռքի նախարար Հրանուշ Հակոբյանը, նախարարության աշխատակիցներ, հյուրեր:

Ծրագրի շրջանակում 2016թ. նախատեսված է 1100 սփյուռքահայ երիտասարդի այց Հայրենիք: Ինչպես նախորդ տարիներին, ծրագիրը դարձյալ կընթանա 8 փուլով՝ հունիսի 13-ից օգոստոսի 27-ը: Այս տարի եւս «Արի տուն»-ը կունենա քառօրյա ծամբարային ծրագիր, որը կկազմակերպվի Ծաղկածորում:

Ծրագրի բացմանը խոսքով հանդես եկավ Հայաստանի սփյուռքի նախարար Հրանուշ Հակոբյանը:

Ազդարարելով «Արի տուն» ծրագրի մեկնարկը՝ Հայաստանի սփյուռքի նախարարը, ավանդույթի համաձայն, ամենակրկն մասնակցին՝ 14-ամյա Գեորգ Բաղդասարյանին (Սիրիա) հազրեց «Արի

տուն» ծրագրի տարբերանշանով շապիկն ու գլխարկը եւ հանձնեց պայուսակը:

Այնուհետեւ ցուցարդվեց «Արի տուն» ֆիլմը: Իրենց կատարումներով ներկայացրին ողջունեցին Մարիանա Սահրադյանը եւ Հայկ Եսայանը:

Ծրագրի առաջին փուլին կմասնակցեն 42 պատանիներ ու աղջիկներ, որոնցից 20-ը՝ Հայաստան տեղափոխված սիրիահայեր են, 22 մասնակիցները՝ ՌԴ-ից, Բելառուսից, Թուրքմենստանից եւ ԱՄՆ-ից:

ԸՆԴՈՒՆԵԼՈՒԹՅՈՒՆ՝ ՀԱՅԱՍՏԱՆԻ ԱԶԳԱՅԻՆ ՕԼԻՄՊԻԱԿԱՆ ԿՈՄԻՏԵՈՒՄ



ՀԱՕԿ նախագահը շնորհավորեց հայ մարզիկներին եւ Հայաստանի

Հունիսի 16-ին Հայաստանի ազգային օլիմպիական կոմիտեի նախագահ Գագիկ Ծառուկյանը ընդունեց Եվրոպայի առաջնությունից վերադարձած մարմնամարզության Հայաստանի հավաքականին՝ գլխավոր մարզիչ Հակոբ Սերոբյանի գլխավորությամբ:

20-րդ դարի լավագույն մարզիկ Ալբերտ Ազարյանին՝ Եվրոպայի առաջնությունում գերազանց արդյունք գրանցելու համար:

Մարմնամարզության Եվրոպայի առաջնությունում Հայաստանի հավաքակա-

նի անդամները նվաճել են 1 ոսկե եւ 3 արծաթե մեդալ: Նժույգափեր վարժությունում Եվրոպայի չեմպիոն դարձավ Հարություն Մերդիյանը: Երիտասարդների մրցապայքարում արծաթե մեդալ էր նվաճել Արթուր Ավետիսյանը:

ՎԱԽՆԱՆՎԵԼ Է ՕՖԵԼՅԱ ՀԱՄԲԱՐՁՈՒՄՅԱՆԸ

Հունիսի 13-ին, 91 տարեկան հասակում, կյանքից հեռացավ ՀԽՍՀ ժողովրդական արտիստուհի, երաժշտարվեստի երախտավոր Օֆելյա Համբարձումյանը:

Օֆելյա Կարապետի Համբարձումյանը ծնվել է Երեւանում: Դեռ վաղ տարիքից մասնակցել է պիոներ-դպրոցականների քաղաքային պալատի ժողովրդական նվագարանների անսամբլի աշխատանքներին՝ իր զրնգուն ձայնով գերելով ունկնդիրներին: Ապագա երգչուհին սովո-

րել է ավարտել է Ռ.Սելիբյանի անվան երաժշտական ուսումնարանն ու իրավիճակը ռադիոյի ժողովրդական նվագարանների համույթ՝ մի ամբողջ կյանք ապրելով այստեղ, մի ամբողջ կյանք նվիրելով Արամ Մերանգուլյանի գլխավորած համույթին: Երգչուհի երգացանկն ընդգր-

կում է հիմնականում հայ ժողովրդական, գուսանական եւ աշուղական, ինչպես նաեւ կոմպոզիտորական երգեր: Երգչուհու ստեղծագործության մեջ առաջնային տեղ են զբաղեցնում Սայաթ-Նովայի ստեղծագործությունները: Համերգներով հանդես է եկել ԱՊՀ քաղաքներում, արտասահմանյան հա-

յա բնակավայրերում (Լիբանան, Սիրիա, Եգիպտոս, Ֆրանսիա, ԱՄՆ): Օֆելյա Համբարձումյանի հուղարկավորությունը կայացավ հունիսի 16-ին, Երեւանի Կոմիտասի անվան պանթեոնում:



ՄԵՐԺ ՄԱՐԳԱՅԱՆԸ ՀԱՐԳԱՆԵՐ ՏՈՒՐԵ ՄԱՏՈՒՅԵՑ ԳԵՏԱԿԱՆ, ԶԱՎԱԶԱԿԱՆ ԳՈՐԾԻՉ ՍԵՂՐԱՆԻԿ ՄԱՐԳԱՐՅԱՆԻ ՀԻՇՏԱԿԻՆ



Հունիսի 12-ին Հայաստանի նախկին վարչապետ Անդրանիկ Մարգարյանի ծննդյան օրվա կապակցությամբ Հայաստանի նախագահ Սերժ Սարգսյանը, ԼՀՀ նախագահ Բակո Սահակյանի հետ եւ Հայաստանի բարչրագույն ղեկավարության ուղեկցությամբ, այցելեց Կոմիտասի անվան այգու պանթեոն՝ հարգանքի փոխանակելով Սարգսյանի պատվին: Զուգահեռ կատարվեցին հիշատակներ:

ՀԱՅԱՍՏԱՆԸ՝ ՄԱԿ-Ի ՂԵԽԱՎՈՐ ԱՍՏՄԵԼԵՍՅՈՒ ՓՈԽՆԱԽԱԳԶ

Միավորված ազգերի կազմակերպությունը (ՄԱԿ) փակ քվեարկության միջոցով Հայաստանը ընտրել է որպես Գլխավոր ասամբլեայի փոխնախագահ: Փոխնախագահ են դարձել եւս 20 երկիր: Հայաստանն ընտրվել է Արեւելյան Եվրոպայի երկրների շարքից: ՄԱԿ-ի Գլխավոր ասամբլեայի փոխնախագահ երկրների շարքում Արեւմտյան Եվրոպայից ընտրվել են Բելգիան եւ Գերմանիան: 21 փոխնախագահների թվում են նաեւ ՄԱԿ-ի Անվտանգության խորհրդի հինգ մշտական անդամները՝ Չինաստան, Ֆրանսիա, Ռուսաստան, Միացյալ Թագավորություն եւ Միացյալ Նահանգներ:

ՀԻՆԳ ԱՄԻՍ ՍՈՆՏԵՆԵԳՐՈՂ՝ ԱՌԱՆՑ ԱՐՏՈՆԱԳՐԻ

Մոնտենեգրոն հունիսի 3-ից մինչեւ հոկտեմբերի 31-ը Հայաստանի քաղաքացիների համար վերացնում է մուտքի արտոնագրի պահանջը: Այս մասին տեղեկացրին Հայաստանի արտաքին գործերի նախարարության մամուլի տեղեկատվության եւ հասարակայնության հետ կապի վարչությունից:

ՆԱՏՕ-Ի ԵԱՐԺԱԿԱՆ ՈՒՄՈՒՄՆԱԿԱՆ ԽՈՒՄԸ ՀԱՅԱՍՏԱՆՈՒՄ

Հունիսի 6-10-ը Հայաստանում էր գտնվում ՆԱՏՕ-ի շարժական ուսումնական խումբը: Այցելության շրջանակում խմբի անդամները հյուրընկալվել են ՀՀ ՊՆ Ռազմական ոստիկանությունում: Հայաստանի ՊՆ Ռազմական ոստիկանության վարչության պետ, գեներալ-մայոր Սամվել Ղուկասյանի հետ հանդիպման ընթացքում քննարկվել են երկկողմ հեղափոխությունները երկկողմ հարցեր, համագործակցության հետագա զարգացման հեռանկարները: Այցելության շրջանակում Ռազմական ոստիկանության անչնակագմի հետ կազմակերպվել են անցկացվել են դասընթացներ, ներկայացվել են դասախոսություններ ՆԱՏՕ-ի ռազմական ոստիկանության համակարգի կառուցվածքի, գործառնությունների իրավական շրջանակների, օրենքի գերակայության ապահովման, հեղափոխության անցկացման, ինչպես նաեւ ռազմագերիների ու ներկալված անցանց նկատմամբ վարվելակերպի կանոնների վերաբերյալ:

ՀԻՇՈՒՍԱԿԻ ԽՈՍՔ

ՀՐԱԺԵՇՏ՝ ԲԱՆԱՍՏԵՂԾ ՄԻՔԱՅԵԼ ԱԽՏՅԱՆԻՆ

Հայ գրական ընտանիքը մի տաղանդավոր բանաստեղծով եւս որբացավ. Թբիլիսիում, կարճատեւ հիվանդությունից հետո իր մահկանացուն կնքեց Հայաստանի եւ Վրաստանի գրողների միությունների, Վրաստանի Հայ գրողների «Վերնատուն» միության վարչության անդամ, նրա հիմնադիրներից, արդի վիրահայ գրականության ճանաչված դեմքերից մեկը՝ Միքայել Ախտյանը:

Ծնվել է 1938 թվականին, Վրաստանի Թեթրիծղարոյի շրջանի Դաղեթ-խաչեն հայաբնակ գյուղում: Հենց հայրենի բնությունն ու նրա անթիվ գեղեցկություններն էին սնել Ախտյանի հոգեաշխարհն ու երեւակայությունը եւ դեռեւս պատմական տարիներից, արդեն Թբիլիսիի բնակիչ, նրան կապել պոեզիայի հետ:


Գրական մկրտությունը Միքայել Ախտյանը ստացել էր Վրաստանի գրողների միության հայկական մասնաճյուղի նախագահ, մեծանուն գրող Բենիկ Սեյրանյանի անմիջական հովանու ներքո, ով վաղ էր նկատել նրա բանաստեղծական բնատուր շնորհը ու ճանապարհ տվել նրա գրական ընթացքին: Եվ չնայած Ախտյանը այլ մասնագիտություն ուներ՝ ավարտել էր Մոսկվայի թեւ արդյունաբերության ինստիտուտը, բայց նրա հոգին անմնացորդ շնչում էր պոեզիայով, գրականությամբ, ինչին հավատարիմ մնաց մինչեւ կյանքի վերջ:

Միքայել Ախտյանի գրական երախայրիքը Թբիլիսիի «Մերանի» հրատարակչությունում լույս տեսած «Կապույտ երազ» ժողովածուն էր՝ դեռեւս 1970-ական թվականներին, որ հաջորդել էր նույն հրատարակչությունում լույս

տեսած «Վեցածայն խմբերգ» ժողովածուի մեջ նրա առաջին ներկայացմանը ընթերցողին: Մինչ այդ էլ նրա ստեղծագործությունները տպագրվում էին «Վրաստան» թերթում, «Կամուրջ» տարեգրքում: Ավելի ուշ նա սկսեց տպագրվել նաեւ Երեւանում պարբերականներում եւ առանձին գրքերով:

Բեղմնավոր գրող էր Միքայել Ախտյանը: Նա մեր գրականությանը ժառանգեց շուրջ քսանհինգ բանաստեղծական ու թարգմանական ժողովածուներ: Մեծ է նրա վաստակը նաեւ հայ-վրաց գրական կապերի հարստացման պատմության մեջ. նա վրացերենից հայերեն է թարգմանել մի շարք վրացի մեծանուն գրողների ստեղծագործություններ, այդ թվում՝ Մորիս Փոցիսի խիշկիլու, Մուխրան Մաճավարիանու, այլոց, իսկ առանձին գրքերով Թբիլիսիում եւ Երեւանում հրատարակել Դավիթ Մճեղլուրու, Նոդար Գուրեշիձեի, Գենո Կալանդիայի

եւ Մուրման Լեբանիձեի բանաստեղծական ժողովածուները: Միքայելի ստեղծագործական գործունեության լուրջ գնահատականներից է նրա ստեղծագործությունների վերլուծությունների «Բանաստեղծի ժողովածուների հետքերով» գիրքը՝ վիրահայ գրականագետ, բանասիրական գիտությունների թեկնածու,



պրոֆեսոր Էմմա Ախտյանի հեղինակությունը:

Նրա վաստակը գնահատվել է ըստ արժանվույն. Վրաստանի բարձրագույն քաղաքացիական պարգևի՝ «Պատվո» շքանշանի ասպետ էր եւ Հայաստանի

նի գրողների միության «Գրական վաստակի համար» մեդալակիր: Տարիները նրա վրա չէին ազդել, եւ նա, արդեն ապրելով ե՛ւ Երեւանում, ե՛ւ Թբիլիսիում, ծառայելով իր երկու հայրենիքներին, շարունակում էր հայ գրական անդամատան բերել քնարական ու խոհափիլիսոփայական շնչով իր հայրենասիրական, սիրային, քնարական, նաեւ մանկական հիմնալի բանաստեղծություններ ու քառյակներ, եւ տրամեկով համդերձ աշխարհի բազմապիսի անկում-վայրէջքներով, շարունակում որոնել լավ ու բարին, գեղեցիկ ու վեհը, ճշմարիտը եւ աշխարհին նայել լավի, բարու, մաք-

րության եւ ճշմարտության դիտանկյունից...

...Այս հայացքով էլ նա հունիսի 12-ին վերջին անգամ փակեց իր աչքերը՝ ո՛չ ինքը զգալով մահվան սարսափը, ո՛չ էլ շրջապատին զգացնել տալով, որ ինքը գնում է արդեն, գնում դեպի հավերժություն՝ որպես Հավերժի երախտավոր ճամփորդ...

Ընդամենը մի քսան օր առաջ նա Թբիլիսիի հայոց թատրոնում հրաժեշտի խոսք ասաց՝ դերասանուհի Լեյլա Մկրտչյանի հոգեհանգստի ժամանակ... Իսկ հիմա նույն թատրոնի բեմից իր մասին ասացին հրաժեշտի սրտառու խոսքեր հայ եւ վրաց գրողներն ու հասարակական գործիչները՝ Մաղվալա Գոնաշվիլին, Ժորա Մկիսչյանը, Գիվի Շահնազարը, Գենո Կալանդիան, Վան Բայբությանը, Անահիտ Բոստանջյանը, Էմմա Ախտյանը, Վիրահայոց թեմի առաջնորդ Վազգեն Եպիսկոպոս Միրզախանյանը: Ընթերցվեցին նաեւ ցավակցական հեռագրեր Հայաստանի գրողների միությունից, Հայաստանի սփյուռքի նախարարությունից:

Իսկ Թբիլիսիի Հայ գրողների ու հասարակական գործիչների պանթեոնում մի թարմ շիրմաթուղթ էլ ավելացավ հունիսի 16-ին Միքայել Ախտյան (1938-2016):

Գնաս բարով մեր հին ու բարի, միշտ հյուրընկալ մեր տաղանդավոր բարեկամ...

ԱՆԱԴԻՏ ԲՈՍՏԱՆՋՅԱՆ
Վրաստանի գրողների միության հայկական մասնաճյուղի նախագահ

Գնաս բարով, բարեկամ

Թանկագինս, դու ապրեցիր, որ ապրենք, ապրեցիր, որ քո բարի, քո ծառի տերեւի գույնը մեզ հասցնես, հասցնես քո մտքի թռիչքը քո հոգով ու հարստացնես մեր հոգիները: Հարստացան մեր հոգիները, ու շատ քիչ է պատահում, որ տողերով հարստանում է մարդը:

Անքուն գիշերներդ ողողված են եղել պոեզիայով: Դու գրել էս նրանց, ինչպես մանուկն են գրկում, իսկ մենք այդ պահին քեզ հետ չէինք, դու մենակ էիր՝ մի կտոր ամպի ու մի կտոր հողի հետ: Քեզ հետ էր նաեւ քո հոգին ու քո միտքը...

Հիմա դու կաս, կաս, որովհետեւ եղել էս մեծերի ճանապարհին, ճանապարհ, որը միշտ հարթ չի լինում, ու այդ ճանապարհը վերջ չունի, վերջ չունես եւ դու, չունի վերջ քո տողը, տողիդ հազարավոր գույնը: Նրանք անմահ են...

Դու այլ կերպ էիր խոսում բնության հետ, ոչ բոլորի նման, բարի լույսին բարի լույս էիր ասում, բարի գիշերին բարի գիշեր: Քո լեզուն այլ էր, քո լեզուն թռչող թռչուն էր, թեկուզ մեկ-մեկ վիրավոր թեւ ուներ: Դու վիրավոր թեւ չէիր բուժում, թողնում էիր ամպերին, որ ամպերը գալին, գրկեին քո վիրավոր թեւը, որ վերքդ անցներ: Վերքից չէիր խուսափում, միշտ աշխատում էիր ճանապարհին ընկած քարը ինքդ բարձրացնես, չմտածելով, որ ձեռքդ կարող էր քարի տակ մնալ: Քարի տակ եթե մնար էլ, միեւնույն է՝ այնտեղ էլ պոեզիա կստեղծեիր, որովհետեւ ձեռքը հոգու մասնիկ է: Հենց դա է քո հրաշալի էությունը, բարեկամս: Չգիտեմ, մարդը մահանում է, թե ոչ, կամ ինչ է մահը: Դու նրա հետ կապ չունես, նա չէր կարող բռնել քո թռիչքը:

Ինչ լավ է, որ մենակ չես եղել, մենակությունը մահից էլ սարսափելի է, թեպետ սարսափն ու դու միմյանց օտար էիք: Երջանիկ ես, որ մնացիր քո ընթերցողի, քո հարազատների, քո գետի, ծառի, մորենու ու այն ամպերի հետ, որոնք շոյելու են քո թռչող թեւերը: Շոյելով տանելու են դեպի անմահություն՝ հենց նրա համար, որ դու չընթերցված տող չունեցար:

Կարոտելու ենք քեզ ու կարոտի պահին գրկելու ենք քո տողերը:

Գնաս բարով, բարեկամս:

ԱՐՄԵՆ ԲԱՅԱՆՊՈՒՐՅԱՆ
Թբիլիսիի Պ.Աղամյանի անվան պետհայդրամայի թատրոնի գեղարվեստական ղեկավար

	1		2		3		4		5	
6		7			8				9	
		10						11	12	
13					14	15				
				16				17		
18		19						20		
	21				22	23		24		
			25		26				27	
28	29		30			31			32	33
	34						35			
			36		37					
38		39				40	41		42	
			43		44					
45	46		47		48			49	50	51
	52				53			54		
55					56			57		
		58			59			60		

Խ Ա Չ Բ Ա Ռ

ՀՈՐԻԶՈՆԱԿԱՆ. 6.Խելագար: 8.Դժվարանցանելի ընդարձակածավալ փշատերեւ անտառային գոտի: 10.Թանգարան Փարիզում: 11.Ձարմանքի արտահայտություն: 13.Վրաց Հինարար թագավոր: 14.Պետություն Արեւելյան Եվրոպայում: 16.Էլեկտրոտեխնիկայի ֆիրմա: 17.Թատերական անձնավորում: 18.Թթի բուժիչ թանձր հյութ: 20.Անգլիական ազնվական տիտղոս: 21.Աշակերտ, ուսանող: 22.Ընկճված, հուսալքված: 26.Ավագ քահանա: 28.Կտոր, մաս: 31.Ոչ մեծ լայնություն ունեցող: 32.Գին, արժեք: 34.Արջուկ «Թուխը»: 35.Բոլշեվիկյան թերթ: 36.Հայ իշխան ... Ամրամ: 38.Նավի խոհարար: 41.Ղավուրմա: 43.Ժողովրդական վրիժառու: 45.Ոտքի ծալվելու տեղը: 48.Ծուռ, թեք: 49.Ժողովրդական թատրոնի եւ գրականության տեսակ XIV-XVI դդ. արեւմտաեվրոպական երկրներում: 52.Սթափ: 53.Մուտք: 54.Դերասանուհի Դեմի ...: 55.Նավակը վարելու գործիք: 56.Արու ոչխար: 57.Վրացու «հորեղբայրը»: 58.Մեքենայի մակնիշ: 59.Կղզային պետություն Ասիայում՝ Հնդկական օվկիանոսում ... Լանկա: 60.Դատարկ, ունայն:

ՈՐԴՈՍՏՅԱՆ. 1.Ձայնային ինֆորմացիայի հա-

ղորդման եւ ընդունման սարք: 2.Դունչ: 3.Գերի, ծառա: 4.Գնահատող հանձնաժողով: 5.Ծխախոտի անուն: 7.Բանաստեղծ, պատմաբան Դելունդ ...: 9.Սարդու գեղծային օրգան: 12.«Տատիկն ... մի ուլիկ»: 15.Բեմահարթակով փոքր ռեստորան: 19.Սեղանի խաղ: 23.Կռքնելու ծառայող մաս, աթոռի կռնակ: 24.Պատշաճ, ինչպես հարկն է: 25.Հավը՝ տապակած: 27.Թել, զսպանակ: 29.Եվրամիության անդամ երկրների տարադրամը: 30.Ինչպե՞ս: 32.Եկեղեցական անոթ, որի մեջ լցնում են գինի՝ Պատարագի ժամանակ նվիրագործելու համար: 33.Փիլիսոփա, մարքսիզմի հիմնադիր ... Մարքս: 37.Թել մանելու գործիք, ճախարակ: 39.Հասարակական տրանսպորտի սպասատեղ: 40.Գրող, գրականագետ ... Սեւակ: 41.Վարակիչ հիվանդություն: 42.Հեծելազոր: 44.Երկկենցաղ կենդանի: 46.Իսրայելական ինքնաձիգ: 47.Նախկինում Վրաստանի կրթության եւ գիտության նախարարի տեղակալ ... Սեփերթելաձե: 20-վացուցիչ ըմպելիք: 50.Տարին 12-ի բաժանող միավոր: 51.Ցուցական դերանուն:

Կազմեց ԷԼԼԱ ԱՍԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Հավասի: 6.Անեղ: 9.Մասիս: 11.Առարկա: 13.Ցայգ: 15.Ածխաթթու: 17.Մարգ: 18.Տարտու: 21.Ոստան: 23.Արիս: 24.Ատ: 26.Կոլումբիա: 29.Գիշեր: 30.Տեգ: 33.Ալրոտ: 35.Ալկո: 36.Վաթսուն: 37.Նալ: 39.Դոն: 41.Կող: 42.Ֆա: 43.Թանագ: 46.Անի: 47.Վիգ: 50.Իսկ: 51.Մոտակա: 54.Սիլվա: 56.Սազան: 57.Դիանա:

ՈՐԴՈՍՏՅԱՆ. 2.Ազատ: 3.Առկա: 4.Իմ: 5.Կիրք: 7.Հաագա: 8.Կարատ: 10.Արաքս: 12.Ածու: 14.Գազագ: 16.Գտա: 19.Արփա: 20.Ուրմիա: 21.Ոսկե: 22.Տալ: 24.Արել: 25.Տիգրան: 27.Որսկան: 28.Ստածկոտ: 31.Դավիթ: 32.Բաթումի: 34.Տուլա: 35.Անդ: 38.Աֆրիկա: 40.Որակ: 44.Զվիադ: 45.Մի: 47.Վազք: 48.Զանի: 49.Կիմ: 52.Ոսկ: 53.Տա: 55.Նա:

Խմբագիր՝
ՎԱՆ ԲԱՅԲՈՒՐՅԱՆ

Մեր հասցեն՝ Թբիլիսի 0105
Գ.Աթոնելի փ. 5 հեռ. 2990-739, 2990-774
www.vrastan.ge
E-mail: vrastan@caucasus.net

Գրանցման վկայական
№ 4 4 - 1439
«ԿՈԼՈՐ» հրատարակչություն

“ВРАСТАН”
Тбилиси, Грузия
<VRASTAN>
Georgia, Tbilisi
Индекс 66445